

**YOSHLARNING HARBIY VATANPARVARLIK RUHIDA TARBIYALASHNING
DOLZARBLIGI**

Qodirov Samandar Bobir O'g'li

Farg'ona davlat universiteti Harbiy ta'lif fakulteti 1-bosqich kursanti

Anotatsiya: *Ushbu maqola bugungi kunda Yoshlarni harbiy vatanparvarlik ruhida tarbiyalash ishlarini kechiktirib bo'lmas masala ekanligi haqida qisqacha yoritilgan. Yosh avlodni vatanparvarlik tarbiyasi har doim zamonaviy ta'lif tizimining eng muhim vazifalaridan biri bo'lib kelgan, chunki bolalik va o'smirlilik-Vatanga bo'lgan muhabbat tuyg'usini shakllantirish uchun eng maqbul davr hisoblanadi.*

Kalit so'zlar: *Globallashuv, , harbiy-vatanparvarlik, dolzarb, "Yoshlarga oid davlat siyosati to'g'risida"gi Qonuni, xususiyati, Qurolli Kuchlarda, himoya qilishda, Konsepsiya, askarning.*

Bugungi globallashuv va keskin raqobat davrida, dunyonin askarning g turli burchaklarida, jumladan, mintaqamizda yuz berayotgan qurolli mojarolar va qarama-qarshiliklar, yangi tahdid va xatarlar oldimizga kechiktirib bo'lmaydigan dolzarb vazifalarni qo'ymoqda.

Aynan shunday sharoitda mamlakatimiz yoshlarini vatanparvarlik, shu jumladan, , harbiy-vatanparvarlik yuksak ma'naviy-axloqiy qadriyatlar ruhida tarbiyalash, ularning ongiga tinchlik va totuvlikni ko'z qorachig'idek asrab-avaylash zarurligini chuqur singdirish, "Xalq va armiya — bir tanu, bir jondir!" degan ezgu g'oya asosida yoshlar tarbiyasiga mas'ul vazirlik va idoralarning kuch va imkoniyatlarini bir g'oya, bir maqsad asosida birlashtirish talab etilmoqda.

2023 — 2027-yillarda yoshlarni harbiy-vatanparvarlik ruhida tarbiyalash konsepsiysi (keyingi o'rnlarda — Konsepsiya) O'zbekiston Respublikasining Konstitutsiyasi, O'zbekiston Respublikasining "Yoshlarga oid davlat siyosati to'g'risida"gi Qonuni, O'zbekiston Respublikasi Prezidentining farmon va qarorlari, O'zbekiston Respublikasi Hukumati qarorlari asosida ishlab chiqilgan hamda sohaga oid dasturlar va kompleks chora-tadbirlarni ishlab chiqish uchun asos bo'lad³⁵.

Umumiy olganda Vatanparvarlik — bu kishilarning ona yurtiga, o'z oshyoniga muhabbati va sadoqatini ifodalaydigan tushuncha. Vatanparvarlik barcha kishilar, xalq, millatlar uchun umumiy bo'lgan, asrlar davomida sayqallanib kelgan umuminsoniy tuyg'u, ma'naviy qadriyatlardan biri. Tarixiy jihatdan Vatanparvarlik kishilarning o'z vatanlari taqdiri bilan bog'liq ijtimoiy rivojlanish, xalqlarning o'zları yashayotgan hududning daxlsizligi va mustaqilligi yo'lidagi kurashi jarayonida takomillashib kelgan his-tuyg'ular jamlanmasi hamdir. Bu vatanning o'tmishi va hoziri bilan faxrlanishda, uning manfaatlarini himoya qilishda namoyon bo'ladi. Vatanni sevish iymondandir deb ham bejizga aytishmagan.

³⁵ <https://lex.uz/uz/docs/-6518238>

Vatanparvar insonlar vatanimizda juda ham ko'p uchraydi. Masalan, Abdulla Avloniy, u qatag'on yillari paytida yashagan bo'lsa ham so'z erkinligi unda juda rivojlangan. Mahmudxo'ja Behbudiy, u o'zining bolalarni o'qitish kitoblari bilan Vatanimizda tanilgan. Uning bolalarga Chet tilini o'rgatish, Savod chiqarish va boshqa o'qitishga oid qilgan ishlari taqsimga loyiq. Birinchi prezidentimizning "YUKSAK MA'NAVIYAT YENGILMAS KUCH asarida "ham ajdodlarimiz oz ona yurtlari uchun qoshgan hissalari haqida juda kop malumotlar keltirilgan masalan chingizzon zulmiga qarshiliklar Amir Temur jasorati Jaloldin Manguberdi va boshqa buyuk sarkardalar haqida malumotlar berilgan.³⁶

Harbiy vatanparvarlik tarbiyasining bosh vazifasi mustaqil, o'z yo'lidan rivojlanayotgan Vatanimiz uchun, g'urur, Qurolli Kuchlarga nisbatan muhabbat, jangovar va mehnat urf – odtlarimizga sadoqat, harbiy mehnatga hurmat hissini har taraflama rivojlantirish, ozodlik va mustaqilligimizni, qo'limizdagi qurol bilan muhofaza qilishga doimiy tayyorlikni shakllantirish, o'z fuqarolik burchini ado etishdir.³⁷

O'sib kelayotgan yosh avlodni vatanparvarlik tarbiysi va yetuk fuqaro etib voyaga etkazish muammosi davlatimiz va jamiyatimiz oldida turgan muhim vazifalardan biridir. Jahondagi siyosiy vaziyatning tez o'zgaruvchanligi, ijtimoiy-siyosiy hayotning o'ziga xos tomonlari, davlatimiz mudofaa qobiliyatini tinmay oshirishga, yosh avlodni vatan himoyasiga tizimli tayyorlashni talab etmoqda.

Yoshlarni harbiy-vatanparvarlik, milliy an'ana va qadriyatlarimizga hurmat ruhida tarbiyalash, ma'naviy yetuk va jismonan sog'lom barkamol avlodni voyaga etkazish, ularning huquq va manfaatlarini ishonchli himoya qilish, Qurolli Kuchlarda olib borilayotgan keng ko'lamli islohotlarda yoshlarni harbiy xizmatga qiziqtirish va faol ishtirokini ta'minlash bugungi kunning eng muhim dolzarb vazifalaridan bo'lib turibdi.

Vatanparvarlik tarbiysi o'z xususiyatiga ko'ra murakkab va ko'p qirrali faoliyatdir. Jamiyatning eng muhim qadriyatlaridan biri sifatida u o'z mazmuni tarkibida ijtimoiy, siyosiy, ma'naviy-axloqiy, madaniy, tarixiy va boshqa xususiyatlarni qamrab oladi.

Insonning o'z vataniga yuksak emotsiunal-ruhiy munosabatining ifodasi bo'lib, vatanparvarlik inson ma'naviy boyligining bir tarkibiy qismi hisoblanadi. Haqiqiy vatanparvarlik har doim insonning ma'naviy, fuqarolik mas'uliyati va ijtimoiy faolligining uzviy birligi sifatida namoyon bo'ladi va Vatan manfaatlari uchun inson faoliyatida harakatlantiruvchi kuch bo'lib xizmat qiladi.

Vatanparvarlik xususiyati o'z xalqiga, millatiga va inson o'zi yashayotgan jamiyat va davlatiga nisbatan bo'lishi mumkin. Bu xususiyatlar birlashib, vatanparvarlikning yagona yaxlit xususiyatini tashkil qilishi kerak, chunki O'zbekistonning har bir mas'uliyatli fuqarosi uning oilasi, millatining manfaatlari yurtimizning boshqa millat

³⁶ <https://uz.wikipedia.org/wiki/Vatanparvarlik>

³⁷ <https://mbaza.uz/anywork/harbiy-vatanparvarlik-tarbiyasining-mazmuni-va-mohiyati/>

va elatlarining manfaatlari bilan uzviy bog'liqligini yaxshi tushunadilar. O'zbekiston fuqarolarining vatanparvarligi o'zining "kichik vatani", o'z millatiga mansubligi xususiyatini, shuningdek, butun mamlakat uchun, butun O'zbekiston uchun mas'uliyat hissini ifoda etadi.

Vatanimiz tarixiga nazar solsak, uning ozodligi, mustaqilligiga xafv tug'ilsa, butun xalqimiz hamisha uning himoyasiga otlangan.

Vatan himoyasiga fuqarolarni axloqiy-ruhiy jihatdan tayyorlash, O'zbekiston Respublikasini harbiy xafvsizligini ta'minlashning ijtimoiy-siyosiy yo'naliishlaridan biridir. Bugungi kunda Vatan himoyachisiga zamonaviy jangovar texnika va qurollarni boshqarishni ishonib topshirish uchun, u avvalo, buni nima uchun, qanday maqsadlarda amalga oshirayotganini chuqur tushunib yetishi kerak. Har bir o'quvchiga uning oilasi, do'stlari, mahallasi, qishlog'u-shaharlari, shuningdek, shonli tarixga, buyuk ma'daniyat va o'lmas an'analarga ega bo'lgan jonajon O'zbekistoni borligini etkazish kerak. Shunindek, o'quvchilarga bu boyliklarni- oila, do'stlar va Vatanini vaqtি kelganda qo'lda qurol bilan himoya qilish zaruriyati tug'ilishini ham tushuntirish kerak.

Vatanni tahdidli kunlarda mohirona himoya qilish uchun, yoshlikdan bunga tayyorlanish kerak. Shuning uchun ham vatanparvarlik tarbiyasi maktab davrida ommaviy ravishda o'tkaziladi, va u o'quvchilar uchun ham qiziqarli bo'ladi. Buning uchun bunday mas'uliyatli va sharafli vazifani amalga oshiradigan o'qituvchilar bu tarbiyani olib borish uchun, uning ilg'or zamonaviy nazariyasi va amaliyotini chuqur o'zlashtirgan bo'lishlari kerak.

Bizning Qurolli Kuchlarimiz doimiy ravishda yoshlar bilan to'ldirib borilmoqda. Bu yoshlar qisqa muddat ichida zamonaviy jangovar texnika va qurol-aslahalarni o'zlashtirishi va ulardan mohirona foydalanishni o'rganishlari kerak.

Qurolli Kuchlardagi yosh askarning muvaffaqiyatlari ko'p jihatdan harbiy-vatanparvarlik tarbiyasi tizimining maqsadga yo'naltirilgan ishlariga bog'liq bo'ladi. Vatanparvarlik tarbiyasi yosh avlodning ongi, ruhiyati, iroda va jismoniy tayyorgarligiga maqsadli va uzlusiz ravishda pedagogik ta'sir etishdir.

Yosh avlodni vatanparvarlik tarbiyasi har doim zamonaviy ta'lim tizimining eng muhim vazifalaridan biri bo'lib kelgan, chunki bolalik va o'smirlik-Vatanga bo'lgan muhabbat tuyg'usini shakllantirish uchun eng maqbul davr hisoblanadi.

Harbiy-vatanparvarlik tarbiyasi tizimi bajaradigan vazifalar uning tuzilishini belgilab beradi. Tashkiliy jihatdan harbiy-vatanparvarlik tarbiyasi tizimining tarkibiy qismlari axloqiy-ruhiy, tarixiy, vatanparvarlik, harbiy-texnik va jismoniy tayyorgarlik bo'lib hisoblanadi.

Vatan himoyachisini tayyorlash tizimini tuzish va uning samaradorligini oshirish uchun Vatan himoyasiga shaylik singari insonning murakkab sifatlaridan biri va harbiy-vatanparvarlik tarbiyasining maqsad va vazifalarini bilish muhim ahamiyatga egadir.

JOURNAL OF INNOVATIONS IN SCIENTIFIC AND EDUCATIONAL RESEARCH
VOLUME-7 ISSUE-4 (30- April)

Shunday bo'lsada, Vatan himoyasiga shaylik to'g'risidagi tasavvurlar bu sifatni barcha murakkab tomonlarini, uning butun xususiyatini ochib bermaydi. Bu shuni anglatadi-ki, Vatanni o'z hayotini xavf ostiga qo'yib bo'lsada, himoya qilishga shaylikni rivojlantirishni, inson xarakterida alohida ijobiy sifatlarni shakllantirish bilan almashtirib bo'lmaydi. Shuning uchun ham Vatan himoyasiga shaylikni ta'minlovchi butun o'quv tarbiya jarayonini yaratish uchun u to'g'risida yaxlit bir tasavvurga ega bo'lish kerak.

Mana shu munosabat bilan harbiy-vatanparvarlik tarbiyasi tashkilotchilari umumiyligi pedagogika va psixologiya, shuningdek, harbiy pedagogika va psixologiya bo'yicha chuqur bilimlarga ega bo'lishi zarur. Chunki, bu fanlarning ta'kidlashicha, Vatan himoyasiga shaylik, e'tiqod, tuyg'u, qa'tiyatlilik, mustahkam iroda, jismoniy chiniqqanlik va harbiy uquv singari shaxsni butun bir sifatlari majmuasini namoyon qiladi.

Bu sifatlarning barchasi bir-biri bilan uzviy bog'langan bo'lib, ular birgalikda Vatan himoyasiga shaylikning yaxlit bir tuzilishini hosil qiladi va bu insonning asosiy sifatlaridan biri bo'lib hisoblanadi

Vatanparvarlik tarbiyasidagi har bir yo'nalishning vazifalari uch jihatda amalga oshiriladi: - o'quvchini birlamchi mehr, muhabbat, g'amxo'rlik, haqiqat va go'zallik singari axloqiy xususiyatlar bilan tanishtirish;

- o'quvchini hayot va insoniylik mazmunini anglash uchun, uning ichki shaxsiy ruhiyatini faollashtirish;

- o'z faoliyati va atrofdagi olamga ijodiy yondoshuvni shakllantirish.

Umumta'lim maktablaridagi harbiy-vatanparvarlik tarbiyasining maqsadi:

- o'quvchilarda fuqarolik mas'uliyati, vatanparvarlik, shuningdek boshqa ahamiyatga molik bilim va ko'nikmalarni rivojlantirish va ularni jamiyat hayotining turli jabhalarida faol tarzda amaliy qo'llash malakalarini shakllantirish.

Vazifalar:

1. Umumta'lim maktablarda harbiy-vatanparvarlik tarbiyasi sohasidagi huquqiy-normativ ta'minoti tizimini shakllantirish;
2. Shaxsning fuqarolik-vatanparvarlik sifatlarini shakllantirishning eng samarali uslublarini joriy etish;
3. O'quvchilarni amaliy faoliyatga jalb qilish orqali vatanparvarlikni rivojlantirishga yo'naltirilgan tadbirlar tizimini shakllantirish;
4. O'quvchilarda harbiy va davlat xizmatiga ijobiy munosabatni shakllantirish;
5. O'quvchilarni o'zini-o'zi namoyon qilish'ga va ijtimoiy hayotga moslashishiga sharoit yaratish;
6. Maktabning harbiy-vatanparvarlik tarbiyasi sohasidagi faoliyatini jamoat birlashmalari va davlat tashkilotlari bilan ijtimoiy hamkorligini ta'minlash;

Harbiy-vatanparvarlik tarbiyasining maqsad va vazifalarini amalga oshirishning sharoitlari bo'lib, fuqarolik mas'uliyatini yuksak ijtimoiy ahamiyatga ega ekanligini tan

olish, vatanparvarlik va Vatanga sadoqat bilan xizmat qilishga shaylik kabi tamoyillar hisoblanadi.

Shuningdek, harbiy-vatanparvarlik tarbiyasi sohasida amaliy faoliyatni amalgalashirishda ilmiylik, insoniylik, demokratizm, O'zbekistonning ma'daniy va tarixiy merosi, uning ma'naviy qadriyatlari va an'analari, yoshlar tarbiyasidagi uzluksizlik, tarbiyaning samaradorligini ta'minlovchi shakl, uslublar va vositalarning rang-barangligi, uni har bir o'quvchiga yakka tartibda yondoshish asosida shaxsnинг qobiliyat va sifatlarini rivojlantirishga yo'naltirilganligi, boshqa tarbiya turlari bilan uning uzviy bog'liqligi;

Yoshlarning harbiy-vatanparvarlik tarbiyasi jarayonida bu tamoyillarni amalgalashirilishi, ularda davlat va harbiy xizmatga, Vatan himoyasiga munosib tarzda tayyorlanishga haqiqiy ma'nodagi qiziqishni rivojlantirishga xizmat qiladi.

FOYDALANILGAN ADABIYOTLAR:

1. SH.Tilavoldiyevning "Harbiy-vatanparvarlik tarbiyasi asoslari" darslik Farg'ona-2023-yil
2. 2023 — 2027-yillarda yoshlarni harbiy-vatanparvarlik ruhida tarbiyalash ishlari samaradorligini oshirish konsepsiysi.
3. Karimov I.A. O'zbekiston: milliy istiqlol, iqtisod, siyosat, mafkura. – Toshkent: O'zbekiston, 1996
4. Karimov I.A. O'zbekistonning o'z istiqlol va taraqqiyot yo'li. – Toshkent: O'zbekiston, 1992.c